



07187

北隅續錄卷上

萬壽宮

吳縣曰今卷數謂王之說

錢塘于丙私存氏述

萬壽宮卽鐻柱宮在武林門內大街康熙初年魏季子禮記曰淨明忠孝許旌陽真君自晉太康迄今一千七百六十九年其道益光位之都仙詔改觀爲宮天子往往敕祀修廢誠辭沖下其禮甚尊重至咒水理病屠巨蟒馘蛟樹鐵柱下施八索及設七靖以鎮安民害驅役風霆其用極神而怪於是世人徒炫惑於真君得神仙異術通符禁服氣鍊形鑄凝使物遂

北隅續錄卷上

一

能變化從心掀動天地以消滅邪誕然真君所學之道則惟根于忠孝忠孝者貫天地古今而成神化者也故曰本立而道生夫神與人之道一仙道與治世之道亦一何者務本安百姓而已真君之爲旌陽令也其聽訟必先教民以忠孝慈仁忍慎勤儉親賢遠姦去貪戢暴女師謀母曰昔孝悌王化度人世陳示孝道吾復受孝道明王之法亦以孝爲本吾當授子又謂真君師吳猛曰今孝道明王之道獨許君得傳君當反師之也及真君歸舊隱作八寶訓曰忠孝廉謹寬裕容忍其將冲舉也教人行善立功以致神仙

又謂弟子曰汝等但能遵行孝道利物濟民何患無報耶由是觀之眞君之所受與所以教人行事奎原本忠孝務安元元有合於聖王設官分治禦大災捍大患則祀之典豈得方諸二氏異端之教悖聖賢之道者同類而並觀乎而其面折王敦逆謀屠巨蟒時以小蟒未有顯罪不遽誅甯須其後又有合于罪人不孥者嗚呼故爲可尙也矣眞君居江西於江西禦災捍患之功大故江西人奉之特虔然其澤常覆露蜀與江左蓋眞君忠孝慈仁之道隨遇而施非江西一區所得私也吾江西劉公曉官浙江藩參捐俸特

建萬壽宮於杭州之武林門內以祀眞君夫眞君力遏水孽以衛民今杭州尤澤國也公其欲眞君之靈以鎮安浙民於世乎且廣其舍廬庖湑具備俾江人客斯土者得以假館焉又所以惠桑梓也公初觀察粵西招降戢亂出兩粵之民於水火而登諸衽席其治浙也廢舉弊革浙民安利之所行與眞君同道易曰同聲相應同氣相求斯宮也眞君其必妥此而式靈矣後雍正間都轉熊公嘉慶間陳兆奎曹樹業處州守徐以勳縣貳尹陳浩與曹莖先後重修咸豐辛酉燬於寇同治甲戌方伯盧定勳又重建

成化志杭城舊有十三門惟餘杭門在北不得出居人之樨以朝廷恩澤自北而來由此入門示潔埽以奉至尊也况旅樞自外方來反容之入耶康熙志武林門城堞共三百六十三每堞高六尺長一丈八尺共計長六百五十三丈四尺明萬厯間巡按御史李邦華建大有倉於武林門月城康熙間改儲南米舊厰六間每儲穀八百石後倉廢賃爲米行屯棧貿易如雲云嘉靖三十四年徐海引寇數萬掠塘棲鎮郡城戒嚴撫軍慮奔突至急下令閉各門郊闕士女不得入者號泣城下提學副使阮鶚監守斯門議開納

北隅續錄卷上

三

之郡官與諸將校有難色鶚曰今所患者倉卒寇至難過也吾有以待之則何害遂先閉內門啟外門左進輜重右進婦女童穉其男子徒手者不得與約月城將滿卽閉外城啟內門人之計進輜重婦穉一二時許始專進男子如前法又恐其爭相蹂踐則令四五十人跪爲一隊以次令起譁者答之進男子二三刻已復進輜重婦穉如初午卽遣兵卒更番就食而自飯於馬上卯啟申閉凡四五日所全活者數十萬人今立祠郭外祀報其德猶憶咸豐十年二月十九

日粵賊犯杭立刻閉城賊遂移聚錢塘門外由西湖繞江干而艮山門外賊未大擾城中士女入東河船者無慮數萬顛啟艮山水門以出生路郡守將啟鑰而疑畏不果越二日清波門陷居民殉者不下十萬又一日民自啟水門船而出者轉至數十萬賊亦無如何也危急存亡之秋安得如阮公之通權達變哉

武林門內風景

王穉登客越志云萬曆丙寅五月十七日入關泊德勝壩買一巾車從武林門入風景大畧似兩都人家門外悉是冬青樹憶讀杭州志云洪武閒都指揮徐

北隅續錄卷上

四

司馬所栽今有如拱者當猶是其舊植蒼翠鱗鱗屋瓦盡碧畧如山家青霽人從樹裏行不見赤日小樓黑戶副以短扉緯蕭作垣加墁其上門門金像奉浮屠氏甚崇每慧鑑不敢卽千家爲墟故臨安大火非一燎矣婦人低鬟胡粉傅面都作女郎妝小兒白雪椎髻甚多美少年蓋山川清淑生人韶秀亦如吳中然也

寶浙局

談遷棗林雜俎錢爐浙江二十座不註局之所在雍正八年建寶浙錢局於仁和縣義同二圖割祖山寺

地爲之其石砌圍牆外尙有南無阿彌陀佛石刻成
化十七年歲次辛丑十月吉日發心弟子湯賢同室
朱氏男口口立可證也局前豎牌坊中爲爐神廟青
選堂左右貯錢庫東則收貯鉛銅房左設鑄爐五座
曰寶裕昇平世五號右亦鑄爐五座曰泉流富有年
五號外則環以營房六所棲巡查兵役乾隆五年浙
撫盧公焯修葺改編爐號曰帝德乾坤大皇恩雨露
深凡十字劫後銅運停園法廢局基鞠爲茂草矣

桑孝子坊

旌門錄後載臨川李紱撰敕贈承德郎工部屯田司

北隅續錄卷上

五

主事桑君墓表曰君先世居餘姚唐時有仲才公諱
憲保者有功德於民鄉人神祀之君始祖也曾祖諱
景明祖諱得祥父諱貴卿並不仕君諱天顯字文侯
生而凝重愛端坐年十三喪母父患反胃疾君棄書
冊治生以養鸞肉爲糜或鎔羊脂以進百方求所以
宜胃者父疾延數歲始卒孝聲聞里閭有語孝行者
必曰何如桑郎小壽或父母訶其子不順者必曰獨
不聞桑小壽之養親疾耶小壽君小字也旣冠學書
計精數學勇於爲義鄉望益高康熙十有三年逆藩
耿精忠反連海寇犯浙東海孺震動咸團練入保君

所居鄉推君爲練長辭以少不聽乃率眾誓於仲才
公廟曰吾祖神靈以相佑然非信賞必罰神不據我
也眾皆曰諾一夕寇果至率眾往拒見神亦盛服立
馬交衢賊大駭不戰而散咸謂君精誠足以通神明
益奮勵竟事無警聞其才者欲延入幕府或請授以
武職卒謝不應旣而曰吾遂無所濟於人乎試治醫
方卽精遂遊錢塘寓居焉治疾奇中有求必往卒之
夕來哭者塞庭後至者立雨中不去聲載路皆其藥
所活者也生平以去邱墓爲歉歲必歸餘姚省視卒
之後十月七日調元等遵遺命葬君於餘姚之大塘

北隅續錄卷上

六

南廟路港與先壟相望以成君志云君生於順治十
二年十月得壽七十有九娶妻張氏繼娶王氏子二
其次曰鼎元孫男六人女二人乾隆元年贈君如子
調元官按孝子居城東大樹巷鬻養笛爲業父病翻
胃日必熬肉粥以進父死乃日夜抱鐻而泣子跛甫
水部爲繪抱鐻圖徧乞題詠丁敬云人生失怙情難
述况復親存抱奇疾通腸入胃百不能除卻鐻糜無
異術豚糜羊糜漸謝功子心如沸一鐻中明明親在
養不得豈待皋魚撓木風宛轉親亡腸欲裂思見團
團煮糜鐵抱鐻哭絕咽無聲啾啾有耳鐻應泣詩爲

當日傳誦孝子石坊則在觀橋大路也內立祠春秋
祀焉調元字伊佐號弢甫雍正癸丑
召試通知性理

賜進士官工部屯田司主事薦試博學鴻詞府志入
儒林傳鼎元字東愚以父年老棄學治生令伯得極
意於學雖未嘗馳騁場屋熟於編年之史上自黃帝
以訖勝國得失成敗之故目可觀手可指也左手三
指甲長而不翦積三十年盈尺有餘寸世目爲長甲
翁精於醫世人求其治病多有驗然未嘗取利於時
也調元子繩篋字軒竹又號虎竹錢塘學生年十三

北隅續錄卷上

七

父病危延醫診視跪而兩泣求審良方旣而母病瘳
終夜侍側不忍離聞喘聲卽繞牀走經年不懈著菲
泉書屋學語繩球字夔石號青桐錢塘學生少穎慧
交河王公視浙學問禾士鳥鼠名繩球時未成童從
讌集以爾雅鳥名鴝鼠名鸞對眾訝終軍不是過旣
長浸淫典籍覃研不倦嘗主周南書院諸弟子執經
請益有叩皆鳴無不饜飫而去會其父議建孝勇公
坊祠經營未就因節嗇修脯以襄其事繩篋子庭樵
字典林號雲柯乾隆乙卯舉人劫後祠已傾圮光緒
癸巳春夏厚菴比部集資修葺並籌款以供歲修祭

祀之費迨厚菴服官京師余爲之經紀焉

斜橋

斜橋瀆祐志在餘杭門裏東有普慧院舊名能仁治平二年改額普慧周益公嘗於乾道庚寅六月丁丑權寓斯院奏事錄云庚辰春亦館此主僧善倫相別十餘年矣按原注普慧院俗呼北寺今則尙稱北菴趙世顯芝圃叢說紹興閒斜橋客邸有請紫姑者命艣爲題詩云寒巖雪壓松枝折班班剝盡青蚪血運斤巧匠舞削成劔脊半開魚尾裂五湖仙子多奇致欲駕仙舟探仙穴碧雲不動曉山橫數聲搖落江天

北隅續錄卷上

八

月地極幽秀河水清漣高人逸士多相結廬乾隆歲貢鄒袖湖先生紳嘗居焉幼奉磁州君諱侍繼母歸里母爲山陰胡稚威先生女孫博通經史稟承慈訓復奉父執梁山舟學士爲師所學益邃年二十肄業成均厯襄陝甘閩粵學幕西登華山南游羅浮又參汪勤僖公軍事游厯所至輒有題詠長子淦字鐵樵嘉慶丁卯舉人官山東莘縣令除姦剔弊惠政孔多解組歸勘經證史著掌故舌學考槐陰雜著鐵樵文稿次志路字義衢號仲虎性耿介文如龍門孤桐百尺無枝汪瑟庵主試得其卷歎爲名宿已置魁選復

以小疵見遺汪留視浙學遂舉優行貢成均鐸甯海
兩入李芝齡史望之尙書學幕晚主講梅青書院從
學之士多致通顯次志初號粟園道光丁酉舉人與
鐵樵仲虎兩兄自相師友詩古文詞力追唐賢矩範
胡書農學士以館閣期之敬脩堂選刊諸作尤足津
逮後學鄉舉後考取國子監學正學錄貧不能留京
歸而課徒晚選西安教諭有墨稼穡齋稿稿中有古
藤書屋詩社圖記入武林城不百步稍折而南曰斜
橋河沿有屋數椽丁亥之夏家大人率子若婦自北
墅徙居於此廳事之傍曰古藤書屋以院植藤花一

北隅續錄卷上

九

本近百年物因取竹垞翁舊額顏之也青陽告謝朱
明肇授花瓏瓏而表色葉蓑蓑以擢莖大人周覽庭
隅怡顏發詠首用竹垞集中韻成七古一章兄仲繼
之翼日同人來咸集花下促膝談永聯吟趣豪亦各
用竹垞韻成詩共若干首大人曰俯仰光景流連翰
墨情之所至道亦存焉今日之會少長咸集賓主勿
憊詩人清談并隻雞而不設良友入座覺林鳥之並
歡與前賢爲唱酬作文字之知己韻事也亦古懷也
不可勿識於是圖而藏之圖中凡十人大人自爲社
主兄仲侍焉曰吾師吳良石先生鑿曰蔡木龕煨曰

蔣琴溪

梅

曰俞浣花

薪

曰魏雨人

升

曰鍾笑溪

榮

曰

邵位西

辰

曰吳繼園

理

時道光戊子夏四月繪圖者

吳小艾瀾也志路狷齋遺稿有紫藤花歌用竹垞老

人集古藤書屋再踐梁孝廉韻一雨能釀春萬卉遞

蒙引庭前紫藤花枝葉散道緊縛材架作棚恍若車

接軫牡丹圍雕欄芍藥種芳畛何如此花高拏空勢

嶙嶙鬚髯垂龍光滑鱗脫繁細纈繡夾初懸旒斷

珠寶蔭地弓三餘去天尺五近欲折愁仙梯聞香破

禪忍或酒盞浮螳或茶鐺歌蚓徜徉於花閒紫府暫

容隱孤根已半死腐敗結芝菌其材又支離弱不中

北隅續錄卷上

十

簾筍而乃天年全夭矯態無窘坐令耽花人賦詩墨

頻吮一唱紫雲迴凡曲盡堪咽惟愁顛風狂花旛護

須謹更當召花神蹂躪去羣蠢翠幄遮深沈玉纒掛

平準紫誥頒瑤宮藤壽卜詹尹

金檜門總憲

金冬心題馬詩馬尾搖風春日暄花前花後杏花繁

愛他蹀躞京城裏騎過吾家兩狀元一爲雨叔侍郎

姓一爲檜門總憲也總憲名德瑛字汝白號慕齋原

籍休寧遷仁和居中正橋河沿雍正丙午舉於鄉乾

隆丙辰薦應鴻博未試先成大魁授修撰通籍二十

有七年分校北闈者一典試江閩者四視學江西山
東順天者五總裁會試者一遭際
聖明斯文任衡尺者無虛歲雖未膺封疆民社之寄
而騶從所經嘗奏請加振鄒滕之飢宜復黃河故道
並得

溫旨性孝友置義田建宗祠鄉人重之著檜門詩存
四卷同學錢陳羣序於前門人鉛山蔣士銓跋於後
總憲少時爲禾中注鶴桴先生館甥汪居范湖富藏
書因得恣其漁獵讀書有精識後徙居秀水至今猶
鼎盛云

北隅續錄卷上

七

迴龍橋福神廟

康熙仁和志迴龍橋卽小新莊橋宋王同祖迴龍橋
望駕詩云迴龍橋上望龍顏毅采英英瞻仰難須信
吾皇自神武何憂中國不尊安兩行衛士錦宮袍萬
歲聲常徹九皋過盡羽旄風細細彩雲不動御爐高
蓋駕因朝祭景靈宮而瞻望時作也橋塊福神廟祀
郭汾陽王廟前大銀杏樹數百年物見周駿發臥陶
軒詩注而吳穀人祭酒有正味齋文集云杭州仁和
縣西新莊橋有汾陽王廟不知何時建也嘉慶甲子
里人重修葺之屬爲記竊謂王則始平關內轉戰西

陸未嘗渡江而東何與報功之典豈張許之忠義吾郡可以並禪李郭之勳名西湖亦當同祀乎不知唐之國祚王復興之唐之天下亦王再造之惟河隴之櫓槍旣埽斯江淮之兵革無聞故當安史鳴張戎羌豕突四方雲擾三吳宴然迨至銀河洗兵鐵券申誓論其績固以其經營乎西北隆其報正因其保障乎東南也智勇功名古今罕比將相富貴壽考圖畫以爲神仙此其量無勿包神無勿燭所以方隅咸秩圓首同欽亦如江湖之報賽乎靈胥宇宙之烝嘗乎漢壽也廟修於甲子某月日畢功於某月日規模式廓

北隅續錄卷上

三

丹雘斯新先覺遠同乎任聖

嘉慶八年阮中丞改建三祠移祀王於先覺堂

神旗大署乎令公尸祝不祧我敬是救時之良弼工歌來格人謂爲度世之福星云碑文三千餘言今但節其要畧爾咸豐十一年冬杭城再陷萬戶皆灰陳錦江居近神社母則老病妻則孱弱於夜閒默禱於神埋鏹於廟質明負母挈妻出於危城及同治三年賊遁城復還家私尋藏鏹安然不失乃新其廟神之福佑有如是哉

陸氏三鳳五鳳

錢塘陸運昌初名鳴勳與弟鳴時鳴燧相友愛先後

舉於鄉有三鳳齊鳴之稱運昌字夢鶴萬厯甲戌進士知永豐吉水二縣天啟七年六月所任在飢饉陳撫字八條上可其奏下部議著西江治譜凡六子曰圻培培垣埜埜埜早天世又號五鳳圻字麗京號景宜拔貢生性孝友學淵茂崇禎開文社起執牛耳者婁江張溥也溥卒圻往會葬賦五言長律一時傳誦著威鳳堂文集晚年牽連史禍得釋棄家遠遊不知所終朱竹垞謂訪澹公於丹霞精舍轉入武當爲道士或云爲僧嶺南名天龍洪昉思答友云君問西泠陸講山飄然瓶鉢不知還乘雲或作孤飛鶴來往天台

北隅續錄卷上

三

雁宕閒曝書亭集爲其子冠周進士寅作零丁徧訪天下終莫能得培字鯤庭少負俊才行誼修謹崇禎己卯舉於鄉明年成進士授行人父卒自留都奔赴長跪靈前嚙臂流血聲淚俱下甲申十月以行人副吏科熊汝霖祭奠淮藩將復命南都覆急歸謀保鄉土知潞王降入桐陽賦絕命詩云誰謂朝廷一命輕行人使節本皇明春秋官敘諸侯上周禮班從司馬名雍國尙慚收采石荆胥無計泣秦兵蕩陰徒有瀕衣血烈帝孤臣恨未平遂縊死年二十又有旃鳳堂集子繁昭字拒石行人殉節才十齡奉母陳晨昏色

養尤工駢體著善卷堂集藝林誦之堦字梯霞生時
有文在手曰才人長負文望教授經學莊氏僞史獄
起事涉其兄圻乃走京師力爲營救自就獄得釋浙
撫張公鵬嗣延主萬松書院親執弟子禮以見一時
從游者甚眾著白鳳堂集年八十三卒毛奇齡爲撰
墓誌子豐字杜南經義推鉅手孫嘉穎字大田號恂
齋雍正癸丑進士出桐城方先生望溪之門經學著
述必與商推始定官至詹事府左中允又孫秩字賓
之號抑齋年十一補弟子員雍正己酉以五經舉於
鄉考授中書乾隆己未二甲一名進士與兄嘉穎先

北隅續錄卷上

七

後同列清班厯官工科給事中曾孫名輔字佐之嘉
穎之子也候選知縣嘗修江西南豐縣志垣字紫暉
詩文無傳堦字左城廩生有丹鳳堂集爲文沈博絕
麗因家中落遠游幕府橫浦道中憶諸兄云乍分四
鳥翩前向五羊城地接蠻煙近天連嶺霧平旅愁多
短夢離緒念諸兄回首關山遠因風寄客情詞意眞
切動人以兄紫暉之散徙也復推與共之張步青遺
孤無所倚爲飲食教誨之卒年四十四府志入文苑
傳其曾孫宗楷字健先號鳧川雍正元年鄉舉第一
旋成進士是科有記名進士十七員

命在各館効力若行走勤慎學問好者仍拔爲翰林宗楷充景山官學教習三年授翰林院檢討充

日講起居注官乾隆四年擢國子監司業遷司經局

洗馬復充

日講起居注官七年丁母憂服闋以原官候補翰林

院重葺落成

聖駕臨幸羣臣分韻賦詩宗楷與焉十一年補司經局洗馬升國子祭酒十八年疏言順天鄉試錄科直隸生員向由學政錄送貢監由國子監錄送近科貢監有赴監考錄者亦有學政錄送者請飭部畫一辦

北隅續錄卷上

五

理部議直隸貢監在監肄業者由監錄送其在籍者應由學政錄送三十年授兵部右侍郎次年調吏左充會試副考官遷兵部尙書管理國子監事務

賜紫禁城騎馬三十二年充三通館副總裁奏言下五旗包衣人等自裁去義學讀書應考無階請每旗各設額缺十名附入國子監官學再向設有義學時包衣人等准考繙繹生員文生員中書筆帖式監生等項今請照滿洲蒙古漢軍之例一體與考又查八旗學生錢糧係由本旗養育兵項下動撥下五旗包衣佐領下並無養育兵無項可撥增額之後但准應

考不必給與錢糧下軍機大臣議行三十三年充順
天鄉試正考官十月充
經筵講官三十四年三月奏言文廟向設祭器皆木
竈等物收存南北園房有廟戶十三名看守今自發
帑興脩復

頒周朝法物十件玉磬二件及添修禮器樂器雜項
等物均金銀銅錫數千餘件敬存庫藏惟廟戶不敷
看守應請添設步甲十二名輪班巡邏並請交提督
衙門飭令步軍校等巡查堆撥守護牆垣柵欄以肅
觀瞻如所請行四月充殿試讀卷官七月調禮部尙

北隅續錄卷上

六

書三十六年京察以原品致仕十二月

賜三班九老宴遊香山並令畫工繪圖宗楷與致仕
九老之例三十八年卒右見耆獻類徵按武林雜錄
李紱贈陸梯霞先生詩云武林何所遇寂寞子雲廬
迴轍孩兒巷傳經故老居亡書三篋在危齒八旬餘
一握欣聯座琅琅尙說書或謂五鳳初皆居南菴而
梯霞之白鳳堂實近孩兒巷卽西文島閣亦與南菴
咫尺陸大司馬之第則確在南菴之側也大司馬姪
燦字補梅左城之元孫乾隆庚辰進士仕吏曹劉文
正公方總銓政極爲倚重厯官廣西潯州知府

戒善廟

戒善廟在龍興寺側或謂卽戒壇基壇音墀轉善之譌也今爲土穀神祠據張氏子春武林神祇考云神氏仰諱忻本錢塘吳越王妃仰氏之族也忻字天貺永嘉人力學以篤行稱年五十餘執母喪盡孝躬自負土廬於墓側有慈烏白竹之瑞紹聖中郡守楊蟠表其里大觀二年以入行取士郡以忻應詔未幾特贈將仕郎神之祠於此者豈因錢王以頗眩伽寶置龍興寺佛髻其妃亦頻施功德神當體其徽懿爲寺檀越寺僧奉之爲伽藍歟

北隅續錄卷上

七

金對峰僉事牙華堂

金亞伯廷尉應麟撰族祖僉事公狀曰公諱應奎字拱宸號對峰嘉靖丁酉舉於鄉癸丑成進士授吏部文選司主事時嚴相嵩用事新進者例當拜謁門下公不往以是浮沈輦下十年不調窩敗改河南道監察御史又出爲山東按察司僉事隆慶中河屢決奉命巡諸隄晝夜不息尙書朱衡重其才奏公勤敏得遷四川按察使尋以失察鐫級爲僉事有太監馮保家人某者故川人倚勢侵佔諸吏皆不敢問公杖之階下曰爲語而主金僉事非庸懦人也保聞之怒巡

按劉某懼甚劾公剛愎幾不測里中人官於朝者爲之剖晰遂以原銜予休嗚呼當有明中葉權相闔寺表裏爲姦雖名相如高文端申文定輩尙不能稍挫其鋒公官不過四品又屬疏遠外臣獨能於唯唯諾諾之時慨然以鋤姦爲己任方之周新之杖錦衣張需之笞杖卒豈是過哉惜乎阿諛成風直道必黜而公竟以山林閒散之身老矣旣歸里與族兄編修璐文學珊族姪中丞學曾共結吟社於孤山之麓又於城北南湖之右建立別業同年生茅侍郎瓚書豸華堂以贈之門栽楊柳屋繞梅花與宋張功甫玉照叢

北隅續錄卷上

五

奎後先相映堂之偏曰桐華吟榭其左曰冷石軒爲陳中丞洪濛所書堂之後曰仁月樓爲公自書竹聲環影嘯傲其中視軒冕若秕糠置榮辱於不問數年卒葬西湖仁壽山元配沈氏繼配邢氏均封淑人長子仲賜南京工部主事次子仲曉仁和縣學生皆歿無嗣耐葬公下廷尉旣乞名賢爲傳爲頌爲祠記爲墓表墓銘而鎮洋彭兆孫中江何盛期上元馬沅則撰豸華堂記建寧張際亮同里龔自珍則撰冷石軒記大興李雲章則記桐華吟榭皆載金氏世德紀中

衞以陳素菴相國之遴得名素菴弟之暹字次公號定菴自海甯遷居郡城梅東高橋父祖苞宦轍所至多隨侍焉凡中原人物奇絕山水及關外混同長白厯厯能言之事母孝極愉婉之誠中崇禎丙子應天舉人當順治時縣掾舞文受賂創升地議每一畝升爲十畝司牧者惑其說力行之定菴慨然曰司牧者不知措紳遠宦不及告小民欲告而無從害何時能己乃草數千言陳之當事遂免斯議子七八長敦永字離期號學山順治乙未進士由翰林厯官工部尙書諡文和次仲永字昌期號海山由庠生考授州同

北隅續錄卷上

五

知次廣永字宏期號朗山太學生考授州同知次成永字元期號儀山康熙辛未進士甲戌翰林次恭永字綬期號景山太學生考授州同知次慈永字貞期號博山官監生授內閣辦事中書舍人次祺永字瑩期國子監典籍厯官貴州思南府知府其同居者爲任齋太守謙字廷益簡齋宗伯之第六子也虛止靜默攻苦力學由拔貢就教甯海謁選得員外郎擢郎中迴翔戶刑二部爲京江相國新城司寇所引重有劇務輒委任之出爲山東萊州知府其後子姓蕃衍地以人傳劫火之餘雖蕩爲灰燼而衞名仍不絕人

口云嘉慶初先祖掌六府君嘗居是街慕先世顓公
藏書八千卷有言曰吾聚書多矣必有好學者爲吾
子孫遂作小樓乞梁山舟學士題額八千卷樓竹舟
先兄實生其地先君子旋遷居麒麟街故屋遂典於
盧抱經學士之後人云

嫦娥街

嫦娥街不見志載居其地者惟顧涑園太守光邵省
吾孝廉增爲眾所知街有明光菴殆因地以名耳明
吳用先復慧雲寺碑記清畝周界東抵營南界長和
巷西許田北負睥睨是嫦娥明時名長和及按潛氏
臨安志行在贍軍激賞酒庫所大庫十三天宗庫之
清庫在天宗門裏度以地位正在其間長和者賞庫
之譌稱後又譌作嫦娥猶之潘葑酒庫故址在小橋
橋南稱大和巷小和巷亦大庫小庫之譌耳

錢方伯

錢方伯琦字相人一字湘莼號嶼沙晚號耕石老人
仁和人乾隆丁巳進士歷官福建布政使有澄碧齋
詩鈔方伯之祖禹侯名世英嘗載米十餘艘過巢湖
已泊矣而大風起湖中他客舟盡覆禹侯募人拯一
生者予米十石死者予五石聞者皆踴躍全活無算

而舟中米爲之一空鄰婦劉氏一日夢有大官張軒蓋掖一兒傳呼入室惜曰誤矣尙在左壁人喧馬騰都往錢氏屋及旦婦來告夢語未竟而方伯生卒年八十二歸田後居一畝田賦詩云積歲頻叨錫類恩版輿今得奉晨昏池開硯北窗臨水橋近梅東路似村有酒連宵邀弟妹采蘭是處領兒孫天教消受清閒福車馬紛紛莫到門夢醒前塵四十年舊時游釣故依然三間白葺藏書屋一畝天留負郭田未免有情枯樹賦不須多費小山篇無端兩足差強健錯惹人呼地上仙

北隅續錄卷上

三

孩兒巷陸放翁寓

乾道志左二廂保和坊輒街巷康熙仁和志輒街巷又名孩兒巷宋時售泥孩兒者在此故名渭南文集淳熙十六年四月二十六日車駕幸景靈宮予以禮部郎兼膳部校察賜公卿食訖事作假會陵陽韓籍寄松陵集來云東都舊本也欣然讀之時寓輒街巷街南小宅之南樓劔南詩稿夜歸輒街巷書事云近坊燈火如晝明十里東風吹市聲遠坊寂寂門盡閉只有煙月無人行誰家小樓歌惱儂餘響縹渺紫簾籠苦心自古乏眞賞此恨畧與吾曹同歸來空齋臥

淒冷鐙前病骨巉巉影獨吟古調遣誰聽聊與梅花
分夜永按前有初到行在詩云六十之年又四年也
騎瘦馬趁朝天之句其後有還都云西湖隔城門放
浪輸白鷗又夜歸云疾馳沿河隄不知幾坊曲到家
四鄰寂往往睡已熟天香餘裊裊佛鐙猶煜煜中庭
雖一席緩步本已足寒犬吠荆扉棲鵲起叢竹市聲
從北來始覺非林谷當亦在寓中作也其後有己酉
元日詩數首又後卽夜歸瓢街巷書事詩放翁時年
六十五歲是歲還越已在冬季寓瓢街巷者竟一歲
耳又臨安春雨初霽云世味年來薄似紗誰令騎馬

北隅續錄卷上

三

客京華小樓一夜聽春雨深巷明朝賣杏花矮紙斜
行閒作草晴窗細乳戲分茶素衣莫起風塵歎猶及
清明可到家此詩作於夜歸瓢街之前三年雖不詳
寓之所在年時不遠舊寓重來度以情事疑亦作於
此地也泥孩兒見於武林舊事七夕節物泥孩兒號
摩睺羅製極精巧有飾以金珠者許斐梅屋四稿泥
孩兒云牧瀆一塊泥裝塑恣華侈所恨肌體微金珠
載不起雙單紅紗廚嬌立瓶花底少婦初嘗酸一玩
一心喜潛乞大士靈生子願如爾豈知貧家兒呱呱
瘦於鬼弄臥橋巷閒誰或顧生死人賤不如泥三歎

而已矣金張玠老編年詩康熙癸酉秋闈試畢歸家
解嘲云形貌雖衰心尙孩喧喧一例選場回三年消
繳三場吉三箇膠泥蠟燭臺注係孩兒巷泥人鋪支
應按孩兒巷泥人鋪厯宋元明而不廢今已寂然矣
卽膠泥燭臺亦復停給此數詩不特斯巷舊聞抑亦
秋闈故事也

雙陳衙

吳允嘉武林耆舊集陳洪範字錫卿仁和人與弟洪
濛同登嘉靖辛丑進士授工部都水司主事治呂梁
呂梁之險最爲行旅患洪範鑿惡石二十處濬其淺

北隅續錄卷上

三

流舟乃得安行又蠲去商舟緡錢往來者稱便備兵
四川威茂二州宣布威信羌人懾服卒年五十六陳
洪濛字元卿與兄洪範同舉進士授刑部主事出知
河南彰德府厯山西左參政晉都察院右副都御史
巡撫貴州兼督川東湖北諸軍務施州蠻黃中叛穆
宗命偕川湖二鎮合師討平之又定叛賊楊珂之亂
未幾以疾乞歸朝議以前後戰功賜白金文綺者三
年方五十餘杜門養疴以圖史自娛武林所稱雙陳
是也賜進士第南京太常寺少卿吳遵撰明故四川
按察司副使華山陳公神道碑墓在臬亭山麓賜進

士出身都察院右副都御史兩京大理太僕寺卿王世貞撰明故進階通議大夫都察院右副都御史抑菴陳公墓志銘墓在荆山洪範二子皋謨益謨洪濛子三禹謨夔謨契謨而禹謨爲萬厯丁丑進士官刑部左侍郎贈尙書契謨萬厯己酉舉人欽謨

吳王府石獅

乾道志吳王府在後洋街今山子巷有王衙園通竹竿巷地頗寬平當屬吳王府園址而吳興古城陰草堂詩三支巷有二石獅埋土中相傳宋吳后家故物賦之云獅埋荒草半敬斜此是光堯帝后家濯足冷

北隅續錄卷上

十四

泉亭上去前朝戚遇愛煙霞力贊中興闔德優遺經太學苦雕鏤宸衷倦灑中宮續一樣鍾王筆法道南遷第一舊門楣鴉鵲樓連浴鳳池朱鳥歌殘飛白雁不須重問上林枝荆棘銅駝事可傷故宮冷落奉空王一雙古巷蹲門獸留與行人話夕陽考憲聖慈烈吳太后宅咸淳志在州橋東豈先立府於斯地耶抑兩地各建耶俟再考之

高氏世德

沈亦然五硯齋文集高公廷三傳云公諱士楨山陰梅里人早孤而貧與寡母弱弟居從其鄉人之服賈

者業於杭杭距越僅隔一江嘗往來潔旦夕旨甘之奉敦怡怡之樂不數年母棄養念所業惟杭土宜始卜居於泥孩兒巷留其弟守墳墓歲時渡江拜掃望松楸泣數行下又慨同產異居相對不忍別蓋天性然也幼既失學中年頗悔恨有告以古人一善言一善行心維而口誦必力行之始已與人處心不設城府口不爲雌黃怡然藹然愠怒胥泯有鄰家屋將傾謀以木撐之而正當其門礙出入咸謂弗可許笑曰不能助之新更速其壞也脫不虞安知被壓者非吾與若耶卒許之又數爲輕薄子所侮後其人無俚甚

北隅續錄卷二

五

來稱貸慨然應所求而無德色人以是咸呼爲高佛兒云弟早死有二子皆翼而長之遇老疾者乞食而手自付與視他丐獨多曰吾敬其老矜其疾也年七十五無疾終長子宗元亦沈亦然傳云君諱宗元字伯揚號愚亭天性孤峭於諸書多所涉獵獨不喜舉子業與人亦鬻枘罕合以家業客吳門日多好飲少德往往觸冒人人以此厭之年四十夢亡父持杖擊之曰年爾許尙沈酣若是耶遽驚悟自是不復霑涓滴孤峭之性亦漸變和平惟以施予貧乏爲事嘗夜行見巷門有雉經者探胸尙溫急負之歸灌以薑汁

遂甦詢之曰吾某家僕也因徵租途次失番銀八枚歸無以自白故引決耳君惻然如所失之數與之去明日同寓者知之駭曰君所爲誠善苟不活奈何君惟一笑而已乾隆丁未江南歲歉乏食蘇州尤甚是時山東河南皆有截漕之請遂上書藩司李公亦求入奏詞意款備李公聽其言而壯之事雖不行吳人咸稱其義已而君年益高願益大謂京師江南浙之嘉興皆有普濟堂而杭州獨無遽捐買地於桐井巷投牒撫軍吉公慶吉公陞粵督去事遂寢君乃削髮走京師乞吳祭酒錫麒爲募疏徧謁貴人朱文正珪

北隅續錄卷上

美

曰此固儒者事也盍反初服當徐圖之未幾阮公元來撫浙君投牒如前公高其義方與鹽院藩司籌畫君乃棄前地復捐買地宅於中正橋大街次第建屋規模初備阮公手書孝義可風以旌之迨嘉慶十五年秋葉農部道傳輸已資集鹺業始克成就撫軍以首倡自君一以堂事委辭不獲命竟以勞致疾卒年七十有三初君考存時每以宗祠未建爲憾歿後若干年君獨任其責自購地至畢務凡用錢五百餘萬且以營普濟堂之故歿之日無餘財胡學士敬崇雅堂集挽之詩云吾翁年少何風流樂府解唱伊涼州

吾翁年高樂爲善散盡家財心不倦縮衣節食勉力行爲善如此非好名口碑在人且姑置請爲吾翁談逸事愁風朔雪天黃昏有客雉經當翁門瞥然見之心不驚摸尙微温負而入從容療救竟再生其事險絕談猶驚嗚呼趨避世誠巧意外災生誰自保翁今死矣翁善存哭翁不如婚翁門宗元弟宗文字廣鏞號竹澗姚椿通藝閣文集有墓志銘摘其畧云君少有膽識饒膂力贈君故居積命君與兩兄分道出賈君獨任其遠往來山左者二十年天性篤摯遭親喪

哀慕如孺子焉服既除遇忌日必素衣冠加葛帶慘

北隅續錄卷上

七

容竟日春秋祭墓裴回不忍離終其身如是處兄弟閒一以推讓長兄宗元以好施故儲蓄一空君能體其志遇有義舉必傾貲成之生平未嘗一謁官府交游之顯達者亦不喜見無華美之飾無豪侈之樂子孫遵其教咸尙敦樸嘗爲家訓數十條有曰事父母孝非言語可喻當從心坎中流出曰欲教子孫先在自己身立標準曰衾影外惟婦最近欲不惑其言當先持之以正又曰覺而不改下流之漸曰生計在寬厚不在刻薄曰處世去其自賢自是氣象君之所訓於倫紀日用推明曲暢此尤其切而要者以行賈少輟

學晚歲頗好觀書兼喜郭景純術登涉不辭勞瘁擇地葬親故之無主者若干家其貧不能舉喪得君助而歲事者不可勝計年七十六嘉慶二十三年十月十三日卒第三子鳳臺字越垞亦姚椿爲之傳略曰君體極弱手足常拘孿母王宜人晝夜撫摩之既入塾捉筆作書猶顫不已然於學無所不好嘉慶十二年以府學生舉浙江鄉試兩赴禮部試不利就職員外郎旋改內閣中書學習行走充順天鄉試外簾官協辦漢本堂事務充內廷方略館書校奏派軍機處漢檔房又派本衙門撰文制誥皆出其手公餘日

北隅續錄卷上

三

以課徒爲事未嘗一出遊或言高舍人非饗餼不給者何自苦若是君答曰身心宜有拘束此吾父所命也在閣期滿將銓會長兄卒訃至悲號不自勝念封君老卽乞歸省時太傅歛縣曹公領閣務頗慰留之君不應比抵家而封君已病旋於是冬捐館舍君自是家居養母不復有仕宦意居恆好賓客嗜吟詠門人子弟朝夕問難主講於潛之桃源海昌之仰山書院諸生感其善教焉家事一委於弟不問羸縮日手一編閒以淺酒小詩自樂卒年六十有七其弟鳳墀字芝檢曾就小試贈公止令服賈中歲承伯父伯陽

公之教力行善事自道光迄咸豐初收瘞暴露棺殮貧飢凡三十餘年又散貲爲卹糝之舉捐地以建義倉振粥以濟歉歲焚逋負之券鑿茅山之泉仁風所扇閭里庇之性儉約好堪輿之書著有範俗良言咸豐登極

詔舉孝廉方正大吏擬以君名應力辭不就胡孟紳比部其宅相也有詩十二章頌其德載聽香齋集所居卽前明雙陳故第竹澗翁初遷居時有異香發於空屋三日不絕鄰人識爲佳兆足徵明德之遠矣

張公祠

北隅續錄卷上

无

張公祠在孩兒巷東鄰麒麟街後抵大和巷祠祀張公伯笏其子張溥萬附祀公字子搢湖南長沙人咸豐庚申二月粵賊之陷杭州也公方官浙江布政司照磨題絕命詞於壁曰身未入鳳池兮負先人之所期手未握虎符兮慚幹濟之無知雖隸薇垣之微職兮實

皇命之所逮夙旣嗙乎苟免兮今臨難其焉辭企燕中之北關兮心耿耿以長悲望湘上之白雲兮魂渺渺以遄歸念吾長子之殉節於三河兮與李中丞迪庵丁運使篁村相追隨今吾灑碧血於武林兮命

吾長子爲前驅屬吾季子以自勗兮縣忠孝之家聲
於勿衰書竟率家丁巷戰死之先是公長子溥萬以
諸生從戎與丁篁村運使銳義同領義字營湘勇隨
李忠武續賓勦賊咸豐戊午十月在安徽舒城縣三
河鎮陣亡詞中所謂命爲前驅者也又按公季子濬
萬所爲行述公父諱延閱嘉道閒耆宿學者稱麓門
先生官內閣中書協辦侍讀公殉難時老母在湘故
有鳳池白雲句光緒己卯余與應敏齋閣學寶時金
少伯樞部曰修暨里中諸君公呈於前撫部梅公啓
照 奏請建祠附祀列入祀典奉

北隅續錄卷上

三

旨俞允因經費艱難又閱二十年復由其家屬集貲
始克在於孩兒巷購基營建告成祠之正廳奉栗主
爲棲神之所前爲川堂再前爲堂堂左右爲房再前
爲門門外地寬平前臨街爲照牆牆左右門曰成仁
曰取義取義門之內側爲室四閒以居司看守灑埽
者其正廳之後西室三閒爲祭畢燕息之所再西庖
廚在焉祠工之興余子立中實爲董其役并手植柏
六株於階下柯如青銅根如石後彫之節其視斯乎
公墓在萬松嶺下長橋之側有石碑亭碑摹刻絕命
詞全章墓門石柱攸縣劉壽琦題聯云一水結比鄰

今古相望前有岳于後彭左萬松齊擁護磅礴之氣
下爲河嶽上日星附誌於此

法輪寺

魏滋伯廣文謙升撰碑云寺於後唐長興時建在城
東湯鎮額曰觀音後改安國宋大中祥符間改法輪
見潛氏臨安志寺有明正統殘碑僅存數字於湯
鎮之潮齧殿基改建約畧可辨 國朝道光十六年
寺僧湛明見大雄寶殿及地藏殿之將圯也謀於里
中重建而山門內有小徑達觀巷行者稱便蒙不潔
而過佛前者踵相接湛明心非之而弱難以禁且力

北隅續錄卷上

三

不足不能買地闢途居數載憂懣成疾二十八年夏
病且不支里人乃延雲軒上人繼主寺席湛明肩息
心安泊然而化雲軒嗣席之後雨水成災積垣盡圯
韋馱殿壞於雪壓雲軒矢願於韋馱尊者誓以減食
損年竭誠募貲復興耆紳協助牆與屋皆得再新而
於寺右買高張田三姓屋地別開一徑廣六尺長二
十丈有奇以達觀巷請當事立案基其舊路繚以周
垣腥穢不侵山門晝靜湛明未了之願雲軒一旦完
之語云莫爲之前雖美弗彰莫爲之後雖盛弗傳使
非雲軒道力堅固有志竟成何能完湛明未了之願

乎可謂難能矣余爲記且頌之曰象教不替常轉法輪與爲樓閣廢成荆榛興廢相尋陵谷遷徙湯鎮昔基觀橋今址山門以內闌入民居清淨道場淪爲穢墟閣黎憫焉繚垣周固置地闢巷一時成路依然古刹塵俗不霑鐘魚靜謐金碧莊嚴劫始實難踵行非易前輝後光視吾斯記劫後陳子弼孝廉銛後記云居安上人續雲軒長老慧鑑重建法輪禪刹于劫火之餘土木丹雘旣竟厥工而故碑不可得走湯鎮求之又不可得曾臆懼塞逢人而諮適高子肖山於故紙堆中得一帖卽曩魏君謙升所撰重修記也持以

北隅續錄卷上

三

歸上人而記中所謂正統殘碑者終不可得余按嘉靖仁和志寺舊在郡城東湯鎮五代錢氏時龜法師建觀音寺後唐長興改安國宋大中祥符賜額法輪後以江水衝激徙建城中雲陽萬如叟撰碑記又按武林梵志明永樂十八年潮鬻殿基僧至恂改建今所然則所謂正統殘碑者其卽萬氏所撰歟非與是未可知矣又上人聞之故老云龜法師有四徒後衍爲東西南北四房祥符中之智光實演講法華賜易今名其世次無可考若徙建之至恂則傳自南房者也其時又有梵僧行腳來此充門頭二十餘年了無

色相比入涅槃頓示靈蹟雖法號已佚亦茲寺之尙
堪旁證者乎書缺有閒法錄中微泊乎 國朝則有
重創之湛明踵行之雲軒如前記云云者爲上人先
導矣夫一寺之廢興何關世教余獨慨兵燹以來荒
榛四塞高門盛族蕩爲秋煙卽有一二賢似續克恢
前業而別營華屋棄舊如遺或且遺爲餅僮蔥肆之
墟夫非猶是釣游之故址乎其視居安之所爲何如
也嘯興之豪半無門籍郎君官貴行馬頓施而清闕
之覺宮嚴沈之廨寺轉得容醉隸悍卒躐躐其中并
有僦值占居提兒挈婦雞棲豚栅雜襲閒廁而莫之

北隅續錄卷上

三

禁者其視雲軒之所爲又何如也豈吾道之大公固
非若彼教之霑霑自熹歟嘻異矣爰爲之核其緣起
探其趣向灑筆記之補摹魏君之文而竟居安之志

寶極觀

寶極觀舊名元元菴在觀橋西北元延祐五年道士
張無爲創建汪月海蔡原眞開拓之以接雲水張正
常書額明成化十八年勅賜寶極觀太子詹事兼翰
林學士安成彭華撰記云成化辛丑春大德顯靈宮
宏道真人呂師道亨奏杭州元元菴臣之師周思得
發身之所至人異士接踵其閒赤腳張亦留宿月餘

臣師介直清修精五雷法太宗皇帝召至京師親試其能深加獎勵建大將廟居之扈從北征効勞尤多凡祈雨暘祛妖邪癘疫靡不響應宣宗皇帝改廟爲大德觀封臣師爲履和養素崇教宏道高士管道錄司事爲朝天宮大德觀住持景泰庚午乞歸老元元菴年九十三以終計聞遣行人許麓諭祭追號闡法通靈真人出其門以顯者不下百餘人而臣荷蒙皇上獎賚尤厚臣不敢昧所自請大其菴乞賜額制曰可其改爲寶極觀道亨稽首拜命請遣其徒弟錄司左至靈陳應循齋資棗往興事詔馳驛往且飭鎮守

北隅續錄卷上

五

太監張公慶助其役明年壬寅夏四月朔始落成中爲祐聖殿左爲崇恩殿右爲隆恩殿後爲太清閣其前爲四將殿繚以門垣翼以廊廡覆碑有亭庖湑庀藏有所其像設崇嚴棟宇宏壯采繪鮮麗巍然煥然矣仍作元元菴於周真人墓右買田二十畝供歲時祀事擇賢主之俾世世不得鬻人皆稱名真人可謂敦崇其本者真人曰秋毫皆上之賜也請予文以昭示永久仰惟賜名之義大矣深矣夫易有太極焉書有皇極焉易論天道之原書言人道之備也夫聖人能全乎太極有中正仁義之德則皇極以建而眾人

能歸於皇極無偏陂反側之私則亦不悖於太極矣
太極未嘗不寓於人道中皇極未始不以大道爲本
道固無二也極指道之極至而言耳老氏之教大率
教民相安相忘而無爲無爭順乎自然之道也後世
爲其徒者乃是有祈禱祛除之術則亦以天人鬼神
之相爲流通故爾道固無乎不在也噫誠使習其教
者皆清心寡欲珍重乎道而不忽保守乎道而無違
亦足以裨治化而資利濟矣呂真人得其師傳益闡
其道必有以昌其後以副聖朝崇重之意哉杭州府
志周思得字養真別字素庵錢塘人行靈官法先知

北隅續錄卷上

三

禍福太宗北征召扈從數試不爽鞭虎先驅敵賊潰
炎途尸穢禱雪覆之六軍大悅乃命祀靈官神於宮
城西靈官藤像上護之於東海朝夕崇祀所征必載
以行及金河川昇不可動問之對曰上帝畫界止此
已而果有榆川之役思得歷事五朝還山尸解年九
十三謚弘道真人敕葬八盤嶺著有宏道集觀有十
景鳳陽苗衷丘南賈愚會稽陳贄慈湖江山各有題
詠載之嘉靖仁和志里中秦邦福繼詠孤雲訪道一
卷老子書靜領無爲趣抽簪叩雲關只恐雲攔住赤
腳談元汗脚一尺三不屨亦不韞衝口寓元機泉流

而風發蒼松雲鶴松髯蒼何疏鶴髮白且潔道人術
長生髯修髮如漆玉沼金鱗石闌環方塘波影浮碧
玉物理悟悠然鱗鱗三十六祖庭秋月圓靈證道心
涼爽沁仙骨何煩申法師御風游月窟觀橋春水長
虹吸春水門前綠無垢倦眼讀南華漱齒禮北斗仙
閣朝霞霞帔加星冠曾膺紫泥召紅牆紺宇閒榮光
先照耀環林夕照瑤草接琪花春長不知老背首看
西山夕陽無限好石壇丹桂天香落瑤臺仙風澹秋
味所寶惟不貪卻識金銀氣元圃緋桃幾叢灼灼華
和露分天上瞬息三十年蟠桃作供養咸豐紀元魏

北隅續錄卷上

美

訓導謙升撰重建三清殿碑銘曰書洪範錫汝保極
鄭康成曰又賜女以守中之道說文寶徐鍇曰人所
保也古文寶作保是保極卽寶極故唐王勃乾元殿
頌曰皇圖寶極又靈寶本元經四人天外曰三清境
亦名三天太真經聖登玉清真登上清仙登太清道
家三清殿豈其所自來邪浙江會城義同坊西北有
寶極觀舊名元元庵勅自元延祐五年迨明永樂開
真人周思得詔徵扈駕有功始擴而大之賜額寶極
觀中殿曰祐聖左右殿曰崇恩隆恩前殿以奉四將
後爲太清閣其高切雲爲錫福延釐之所 國朝康

熙七年閣燬於火惟中殿前殿歸然尙存而閣基湮
瓦礫者且百餘年觀主施養性矢願復興有朱君鳳
鳴者中歲好道老而彌篤與史君逸泉并力合謀於
所業銖積寸累多歷年載益以外募卽太清閣基建
三清殿而以餘力修葺舊殿崇闕壯麗煥然改觀蓋
經始于道光壬寅歲告成於甲辰之冬計費白金一
萬兩有奇是役也立願始於施養性任勞集貲賴有
史君而克遂其宏願者亦朱君一心向道所致也自
元延祐五年戊午距今道光二十四年甲辰計五百
二十七年矣廢而復興三入之道心堅固有志竟成

北隅續錄卷上

七

蓋深合鄭氏守中之訓吁可尙已乃爲銘曰虎林北
隅琳宮一區始基元代鼎盛明初大起宏規嘉名肇
錫人有其寶皇建其極艱妙之門羣眞之庭潤以風
雨鼓以雷霆中遭鬱攸焦土敗瓦經百餘年後有興
者峩峩瑤闕宛宛雕梁愕眙遠邇眴轉低昂井鉞參
旗雲窗霧閣中有至人延年勿藥室虛生白楹拱流
丹廊其有容高不勝寒蒼松有聲白鶴無語天風鏘
然步虛引去仙居玉樓帝留瓊館爰清爰靜旣巍旣
煥舊觀頓復新宮落成我銘茲殿媿山元卿觀之庭
中石亭覆碑爲明景泰二年翰林侍講東海徐瑄撰

故冲虛居士輓詩序冲虛居士者吾里費子正甫也
居士平生悅乎道家之言故以冲虛自號於其卒也
薦紳大夫聞而爲詩以哀輓之者累數十篇其子彥
昇彙次成什而以爲詩必有序也來請序之余以鄉
誼之重諾焉或曰居士何爲者而薦紳大人咸爲之
詩以哀輓之吾子又爲之序之曰富者也富者則曷
爲乎詩又曷爲乎序曰非徒富也蓋富而好禮者也
樂善者也何以知其好禮樂善也曰居士之富也不
爲豪俠不爲勢圖又不爲自封殖計約乎已而厚乎
人故其家力可玉以爲食也而甘於蔬茹可錦以爲

北隅續錄卷上

三

衣也而恬於布素可乘堅策肥也而安於徒步非好
禮能然乎且其以已之足而念人之不足也以已之
無苦而念人之苦也故遇夫寒者而必衣之遇夫飢
者而必食之乏絕者必周之姻而不能畢者助之畢
喪而不能舉者助之舉非樂善能然乎曰然則其人
固可詩而傳歟曰奚爲其不可也昔子貢問富而無
驕何如夫子謂未若富而好禮者至於善人者之不
可得見又夫子之所興歎也今之時其去夫子之時
亦遠矣世道之降也人心之漓也亦甚矣於是而有
人焉庶幾乎好禮樂善者詩而傳之奚爲其不可也

問者唯唯而退遂筆之以序淮南高穀輓詩云不向
東吳隱□峰卻來京國寄行蹤閒中作善心無倦靜
裏□禪意頗濃世事浮雲兼野鶴夜臺寒月伴孤松
何須楚些招魂起應有穹碑寫德容吳郡俞士悅詩
云踏破江湖載夢舟九京何處赴仙游花開茂苑非
前日鶴去華台又一秋風雨不禁□屋老雲山空闕
漆鐙愁綠槐高柳東城路鄰遠無聲水自流姑蘇陳
鑑詩云紫□□□白玉樓羽禽□□作仙游百年富
貴春如夢千古存亡草自秋□□月□猿鶴□□□
雲散海天愁□□五色□□筆高誼清風□□州滄

北隅續錄卷上

堯

安商輅詩云南北山□□□顛龍虬入夢兩茫然□
頭金玉□□亡用架上詩書□有傳自許清名□眾□
更看逸德契前賢吳山山下棲魂處芳草斜陽鎖斷
煙

天長寺

天長寺晉天福四年吳越錢氏所勅宋大中祥符閒
賜天長淨心額自宋迄明屢有興廢咸豐庚申之閒
寺燬於粵賊光緒七年住持茂春重建仁和張大昌
撰碑文曰杭城之乾隅有寺曰天長殿閣麗廡壇宇
戒深翠律雲護巍煥霞舉過之者輒嘖嘖稱道宜和

尙而後茂春法師繼居首座時所經度營脩者聞之
師定慧性具專精道凝德孚飛潛行飭律範洵近世
耆宿之宗俗姓包氏年十二祝髮海昌興福庵夙根
了然微旨遠闡詣昭慶正念脩和尙壇受具足戒時
道光十九年也正道宜主持天長興復古蹟之際越
四年師爲報國寺知客僧又三年見昆峰倫和尙大
相器重遂授以法咸豐末浙西罹劫師柳栗餅鉢儻
然出鋒鏑叢佛云道力深常有天人擁護信乎難平
而天長已圯敗鞠爲瓦礫師撫道宜之墜緒愀然於
懷同治六年慨任秉拂發大誓願於荒蕪榛莽中卒

北隅續錄卷上

四

瘖將荼力持三寶就振宗風鳩工庀材規畫丹漆者
久之及同治十二年而天王殿成光緒七年而大雄
殿成法堂僧寮逮乎庖滷次第咸具曩者法系繁衍
支派析居俱附於寺如正定庵保福院九曲山房法
濟院者厯劫成墟師爰度基址悉以入寺俾好古家
之過訪嘻美哉湖山之有斯刹也非師之踵事增華
曷由與道宜如是相輝映耶而師之意願有欲然者
考寺爲晉天福四年錢氏所勅建宋大中祥符間賜
天長淨心額賜僧道漸紫衣咸淳元年主僧雅福重
建鐘樓方丈亦賜紫於朝廣寶詠高宗幸寺中之詩

俱藏什爲一代掌故元延祐開天花感講經而墜迺
建閣稱龍華明洪武景泰中住持普甯日福先後開
講席於茲天順六年夏公時正撰文以記之萬厯間
宗圓并龍眠所繪接引佛同勒石於寺崇禎開提學
樊公良樞嘗賦詩書額爲廣訊引年之祝國朝里
人則有顧大觀鍾世亮世俊蘭繼友陳爾琳姚元瑛
諸君力扶龍象乾隆間天濤法師大振宗風守紀和
尙繼之道法日隆嘉道以來自道宜和尙來主斯寺
載修清規禪衲雲輳殿宇煥七寶之裝檀栴說三乘
之法承其衣鉢咸守宗旨無少違武林古設戒壇首

北隅續錄卷上

聖

龍興次昭慶與天長爲鼎足兵燹後設壇者惟雲棲
仙林海潮諸寺茲當架鐘吼聲宿朴盡起師以爲梵
律揚而後祖教延戒典宣而後初心導丹黝彩聖一
新我佛之盧難奧緒微言永新我佛之法則尤難此
念堅守蓋已厯僧臘五十有六戒臘四十有八法臘
四十有二未嘗須臾忘也及示疾乃以囑嗣法普慶
上人斯怛然化普慶重違遺意以牖啟善知識於是
膜拜乎殿之前居息乎寮之下者仰師所經畫營建
罔弗歡喜讚歎知三昧宗旨與斯寺俱永垂於無量
無極而茂春之志於是遂而道宜之靈於是慰迨遺

像之來自越中其相印證於冥漠者信而有徵矣爰
爲銘曰檀欒竹竿巷闢達衢珠玉璀璨彈指精廬石
鏡異人肇開龍象義殿廣場斧削程匠淨心肄律賜
額鞏基迄乎南渡顛祐祝禩花散藥宮運廣長舌現
壽者相蓮開火宅我朝定宇護國安禪道公復古
鐘魚誦宣霞起芝栢煙滃瓔珞心清妙香國適彼樂
上企乾嘉振乎道咸都人士女膜拜華嚴蠢動潢池
風輪劫扇鹽官禪宗法輪手轉釋網更張垂二十年
貞固幹事樞構鮮妍雙松之軒九曲之院瞿夷晨集
優曇夕獻萬拱不騫貝葉妙詮法筏廣渡西來意傳

北隅續錄卷上

聖

嗣禪承薪攝心善繼眞界加持龕童樂詣宏結法緣
鹿苑瓊葩皆大歡喜佛圖孔遺維天久道用長無極
永鎮江鄉鑄茲貞石長沙張濬萬撰記曰圖天下之
功者必有貞固之心成天下之務者必有堅苦之力
夫知其難而不爲與爲之憚其難而輒止伊古以來
廢者之不能興墜者之不能舉罔不以此可勝歎哉
余觀茂上人之復天長寺可感也已杭州天長寺肇
自晉天福時宋大中祥符閒賜天長淨心寺額其主
僧道漸寶月先後賜紫衣元延祐時有僧講法華經
天花紛降因復建龍華閣以誌之自是至國朝代

有高行僧曰普甯曰日福曰廣訊壽百有三歲曰天
濤曰守約曰道宜皆以彼法中善知識爲時宗仰咸
豐辛酉粵賊之亂杭州陷寺燬焉逮杭城旣復茂上
人慨然思重新之披榛刈蕪依故址樹櫺構崇垣墉
塗丹牖拮据經度疲其心神瘁其筋力而寺始有成
何其難也向使知其難而不爲憚其難而輒止則猶
是穢莽之所叢蟲蛇之所窟焉而已耳安有是輪奐
照耀也哉茂上人之弟子普慶能誦其法嚴其道以
張其師說昔朱子憂道之衰以爲性質剛明多不能
屈心以蒙世俗之塵垢而藏身於二氏故佛之徒大

北隅續錄卷上

聖

有人在豈不信歟杭有篤行君子曰丁君竹舟童年
多疾嘗以道宜爲師又嘗以其太夫人命飯僧於是
不期而會者千餘眾先是有某氏子揭通衢期某日
於昭慶寺設千人齋一夕忽逝僧之往者及門闕如
也因盡來天長當時以爲深得佛緣今年九月杪獨
步至寺寺僧方自越中樞道宜遺像來遂伏地而拜
拜已徘徊者久之喟然曰始吾親見道公今而如見
道公矣始吾見寺之成而忽燬今而見寺之燬而復
成矣歸甫十日倏化去噫異哉佛氏之所謂因緣者
其不如是哉寺工始於同治六年某月日訖於光緒

七年某月日凡十有五年爲堂廡樓閣寮室若干楹計糜金錢若干萬備書之著其難也是年臘八日

德孝廟

廟在觀巷志乘未載神姓全諱琮字子璜吳郡錢塘人爲奮威校尉遷偏將軍黃武中遷綏南將軍進封錢塘侯假節領九江太守徙東安太守黃龍初遷衛將軍左護軍徐州牧尙主赤烏末遷右大司馬左軍師事蹟具吳志本傳父柔漢靈帝時舉孝廉補尙書郎右丞董卓之亂棄官歸州辟別駕從事孫策到吳柔舉兵先附表柔爲丹陽都尉孫權爲車騎將軍以

北隅續錄卷上

器

柔爲長史徙桂陽太守嘗使琮齎米數千斛至吳市易琮至皆散用空船而回頓首曰所市非急而士大夫方有倒懸之患故使振贖時中州士人避亂而南依琮居者以百數傾家濟給及還牛渚過錢塘修祭墳墓請會邑人知舊宗族六親施惠千有餘萬本土爲榮然謙虛接士貌無驕色小子吳孫權外孫封都鄉侯全祖望鮪琦亭文集桂陽二十有七世諱權宋太平興國中進士累官侍御史父中書令大賢吳越時掌國政乃由錢塘遷鄞之桓谿其時權之弟興亦遷越之東浦越六世則理宗之母度宗之后福王之

妃皆出全氏又夢梁錄后戚府下全皇后宅在豐禾坊南原賜家廟五室及祭器儀物每四孟祭享給以御廚兵治祭饌太常寺差奉常官行贊相禮仍差主管官影堂使臣及兵級守之以子孫世領祠事按神德於鄉孝於親故稱德孝疊封偏與綏南衛將軍故廟號如是豈肇自吳越閒至南宋立后戚家廟時而增崇歟或宋亡戚畹廟廢觀巷前後元明閒皆屬衛地土人因神曾封衛將軍而移祀歟更待質之考古者

報恩光孝觀

北隅續錄卷上

巽

今孩兒巷有報恩院明代昌化伯邵林故居尙稱報恩里是也其院之後爲三角地民居錯雜地通觀巷又有德孝廟考其故址皆報恩光孝觀也咸淳臨安志觀在報恩坊清泰四年錢氏建舊號開元宮國朝景德四年改景德觀崇甯二年改崇甯萬壽觀賜鹽官縣田一千畝政和三年改天甯萬壽觀建徽宗皇帝本命殿紹興七年改報恩廣孝觀十三年賜今額專以追崇徽宗皇帝香火紹定三年得旨蠲其賦咸淳四年重建鐘樓雲堂兩廡按雪坡姚舍人文集重修觀記云觀唐開元宮也聖宋章聖朝改景德道君

改崇甯萬壽繼又改崇甯曰天甯光堯六龍南飛永
言孝思追念罔極詔天下立報恩光孝觀以奉佑陵
神御在京以天甯萬壽爲之紹興十有六年春正月
也觀舊基最廣厥後侵爲民居爲御廚兵營由是遂
狹至今營有碑誌可攷不誣中興百年觀之棟宇日
就傾毀上凌旁震靡奠厥居羽褐黃冠無所於息上
念前朝奉先追孝之地弗可聽圯迺於淳祐十年秋
八月以龍翔宮履和齋高士九江曹大通禱禴屢應
命主觀事師至慨然以修復爲己任請於大尹節齋
趙公與憲公聽從之鳩工度材不一年傾者扶毀者

北隅續錄卷上

吳

葺堂廬殿廡丹耀碧粲食息用具靡細弗舉又念四
方雲鶴之士至京者惟天慶報恩二觀可憇慮無以
續食復請於大尹得楮五萬五千有奇買仁和德清
閒田五十餘畝歲收粟五十餘石復觀西屋一所月
可餽十千以佐蔬糲由是供給不乏集徒如雲規制
日宏矣方觀未修復時人以難告師處難以易赤手
奮立地闢而廣屋增而闕田益而裕寡以眾虛以盈
可不謂能哉神而明之存乎其人然後知天下無不
可爲之事得人興事人廢也使有天下國家責者皆
能爲天下國家興仆植僵計欲不治得乎抑是觀則

修矣觀之所以創名之所以名前朝初意孝思可知也香火磬鐘祝雨暘時祈年歲豐報恩之一耳神州北望未復版圖不雪恥以酬百王不除凶以報千古匪報也孝者善繼人之志善述人之事吾君臥薪嘗膽吾相鞠躬盡瘁吾士大夫枕戈擊楫率甯人有指疆土畢力以修復之則光堯之志成恩斯報孝斯光矣不然扶傾葺毀不修復是觀若豈光堯所望於後之臣子哉有天下國家者其相與懋之今則知其遺蹟者鮮矣

三笑軒記

北隅續錄卷上

畢

夷白子寓杭觀橋之觀巷屋敝瓦腐夜雨或暴至張蓋就寢不以爲意自扁其東偏之室曰三笑軒左右或訝之因答之曰余娶婦二十載未有嗣今年四十有七老且至矣方得一女此可一笑也承平盛年余嘗至京師覬得微祿爲養親計用薦者入國朝同進見忌尋引避還江南今親沒已久齒髮衰落自以爲無復有用於世矣屬南地用兵乃又叨塵仕版此可二笑也平居讀書至申韓衛鞅之法律輒噫嘻曰是何不如周公之平易也見人攘臂談孫吳議論生鋒而自揣其不能今忝備使員辱游樞幙朝夕從事乃

不離二者之間此可三笑也左右曰夫憂莫憂於無子喜莫喜於得祿榮莫榮於處機要此人之情也今子中年得祿雖不逮養然幸居機要固可以懽然自笑矣若夫久娶無子老又得女親戚故舊無有不爲子憂者今也顧亦竊喜而笑毋乃與人異情乎哉夷白子曰汝以爲喜者我以爲懼汝以爲榮者我以爲恐汝以爲憂者我以爲不必憂我自謂同于人者莫已若而汝獨以爲異此其所以爲可笑也汝亦聞東門吳之喪子乎東門吳有子而喪與無子同今吾得女孰與喪子故不必憂夫爵以待賢祿以勸功機要

北隅續錄卷上

吳

所以任文武非常之士今不賢而膺好爵倖而貴者也無功而享美祿苟而富者也無文武非常之才而任機要不知恥者也况非素習而職其事爲濫官非所能而居其職爲竊位不逮親而養妻孥爲蠹國今吾一舉而犯不韙者六惴惴焉若懸巖崖墜深淵危石欲墮而壓之者汝以爲榮且喜焉此尤可笑之甚者也左右曰無子不憂亦有師乎曰有吾師東門吳也得祿而反懼處機要而加恐亦有師乎曰有向子平讀易損卦而知富不如貧貴不如賤此卽吾師也吾將從若人者朝遊名山暮棲邱壑榮辱不足以累

其心喜懼不足以櫻其念汝以爲何如左右曰善夷
白子曰若是則可以索我於三笑之外矣因錄其言
書於壁伺大方之家決焉時至正二十年五月也夷
白子陳基字敬初臨海人至正中以薦授經筵檢討
嘗爲草諫章幾獲罪引避歸張士誠據吳引爲學士
書檄多出其乎此記之所由作也入明召修元史賜
金而還明史文苑附趙塘傳

麒麟街鳳凰街

成化志新營街直通貢院橋西湖遊覽志餘元至正
庚寅浙江鄉試八月二十二日夜二鼓貢院彷彿見

北隅續錄卷二

異

一物馳過甚捷狀若猛獸軍卒因而喧哄考官遂以
角端命賦題角端者似麒麟而角在鼻上也按至治
之音有徐勉之呂誠角端賦二篇殆爲此場試作街
名麒麟當肇元季後以明封昌化伯邵林妻楊氏夢
鳳鳥儀庭而生孝惠皇太后於此里故改稱元貢院
街爲鳳凰街麟鳳之祥洵有徵歟



